

*Quæ multos terrent, incommoda; Nunc quoque fructu  
Utere tam pulchro, & cœlestia præmia spera!  
Nos Tibi pro Raris, quæis TE donante fruemur,  
Floribus ingentes ferimus, Vir Maxime, grates,  
Augemusque æterna Tua pœonia Fama.*

*Atque utinam detur charos mibi cernere coram  
Posse oculos! Nec enim quicquam mibi gratius umquam  
Esse queat, quam si Tecum conjungere verba, &  
De varijs liceat sermones nectere rebus.*

*O mibi si celeres sonipes jam Pegasus alas  
Commodet, ut subito ROMAM properare volatu,  
Et Tua colla novus modò possim in vadere Amator!*

*Nec solum Tua, sed Vestri, dubio sine, Summi  
KIRCHERI, similem cui Sæcula nulla tulerunt,  
Nullaque forte ferent. Tum Prisci Interpretis ævi  
HOLSTEINI, ALLATII & VE Pi, ECCHLENSIS & VE diserti,  
Et quos ROMA tenet plures, Nutricula felix  
Doctorum, quam tot Doctos ego credo fovere,  
Quot Cælum stellas, præsertim hoc tempore tanti  
PRÆSVLIS, Ingenij ac Morum qui tempore longo  
Non habuit similem, aut Doctrinæ dotibus amplis.  
O factum bene, quod nostro concedere Sæclo  
Tantum Fata Virum voluere, quod infima Summis  
Miscet, & hæc imis! Quo sensim cuncta videmus  
In pejus ruere, & retro sublapsa referri.*

*Outinam misericordia PACEM donare per ILLUM  
Christicolis, DEUS Alme, velis, qui Fautor & Author  
PACIS es, atque Tuis mandas super omnia PACEM!  
Talia PONTIFICUM DECORI puto Vota fuisse  
Momento à primo, quo tanto ornatus Honore est,  
Ac Summam PETRI Cathedram concendit, eodem  
Erectus merito Votis communibus. At nos  
ILLUM alijs alio foris tempore ad astra vebemus  
Versibus, ac tantas (si quidem tam Magna pusillis  
Carminibus, sterilique est fas celebrare Camœnâ)  
In Laudes nostras summo conamine Musas  
Effundemus, uti VIRTVS Praeclara meretur  
Et DOCTRINA Viri, quies tam supereminet Omnes,  
Quam reliquis cunctis Summo ante ferendus honore,  
Et quæis in toto nil quicquam excelsius Orbe est.*

*Sed quò devenio? Quò me meus abripit ardor?  
Quove Amor, egregijs qui sese mancipat Aevi  
Luminibus? Claudio, & jubeo TE Vivere, BOTMI!*

*Extemporaneo impetu scrib. Viennæ  
IOAN. Ernestus Rautenstein.*

SLUB